


Durante celebracion di Dia di Himno y Bandera

School Reina Beatrix a rindi homenahe na Sr. Emilio Kock



ORANJESTAD (AAN) -- Diahuebs mainta School Reina Beatrix a celebra e Dia Nacional di Aruba, esta, Dia di Himno y Bandera, y alavez a rindi homenahe na e persona di Sr. Emilio Kock (Mimi).

Desde tempran e alumnonan di school tabata prepara pa ricibi Sr. Mimi Kock na su yegada. Un juffrouw di school mes a bay busque na su cas na San Nicolas.

Mimi tabata sa cu tin algo pe na school, pero nunca el a pensa cu e lo worde ricibi pa e entrada di school pa mihan uniforma cu lo hisa bandera pe, ni cu alumnonan di 6de klas cu bisti cu trahe folklorico a ward'e na porta di entrada pa ricibi'e cu un cantica.

Na un forma hopi disciplina e alumnonan a acompaña Mimi te cura di school, unda e programa di actividad a tuma lugar.

Mientras alumno y maestro nan a canta e Himno Nacional di Aruba, dos hobencito a hisa e bandera. Seguidamente Juffrouw Eveline, cabesante di school a hiba palabra, pa duna Mimi un mercedo bon bini, y despues Juffrouw Stella a papia tocante e promebiaha cu Mimi a pone pia na school dia cu el a bin duna e alumnonan les di "Square dance" casi 7 aña pasa. Seguidamente a entrega

Sr. Mimi Kock un plaquette y un regalo. Alumnonan di 6de klas a dedica Mimi un poesia yama "Emilio" unda cada letra tin un bunita nificacion.

A toca Mimi bisa algun palabra, pero su emocion tabata asina hopi cu el a pasa trabao pa por papia. Por a mira briyo di lagrima den Mimi su wowonan. Den su discurso cortico, el a bisa cu e ta spera cu e persona cu lo mester bin entrena e muchanan aki ora e mes no por haci esaki mas, lo tin e mesun entrega, amor y dedicacion cu Mimi tin, pasobra nos hubentud merece di worde estimula pa stima nan cultura y nan folklore.

A sigui e cantica Nos Rubianonan, despues alumnonan di 6de klas a balia, e.o., mazurca y square dance. Mimi a forma pareha cu un alumna y a muestra su cualidadnan grandi den baile. E programa cultura a cera cu dos cantica final: Mi Aruba y Nos Isla.

Caha di Orgel Crystal a worde invita pa bin pone e nota di alegria durante e di dos parti di e programa pa cual mayornan tambe a worde invita.

Riba combinacion di potret algun imagen di e celebracion di Dia di Himno y Bandera y homenahe na Sr. Emilio Kock, na School Reina Beatrix.

BUBALI COMMERCIAL CENTER

BUY WISE

Large assortment of children's wear, housewares, gift items, toys, electrical appliances, candies
Phone: 871435

VIDEO ONE

Large selection of video rental, electronics, airco's.
Phone: 871699

SUN & SHADE

Nice selection of sunglasses and hand-oil Aruban Paintings

Q-LINE

Large assortment of furniture, lamps, carpets!
Phone: 871522

THE SPECIAL

Daily special Aruban Food Dining and Take-away
Phone: 871212

ALL QUALITY STORES AND GOOD PRICES